

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

1. Naalakkersuisut §37 nr. 026-mut akissuteqarneranni nakorsiarniarlutik angalasut qassit kinguaattoornermik eqqugaasarnersut nalunaarsorneqartannginnerannut suna peqqutaava?
 - a. Nalunaarsorneqartalissappata suna pisariaqartinneqarpa imalt. allanngortariaqarpa? Atortutiguuppat, aningaasatiguuppat, inatsisitiguuppat imalt allarluinnarmut tunngassuteqarpat Naalakkersuisut tunngavilersoqquneqarput.
2. Nakorsiarniarlutik angalasut kinguaattoornermik eqqugaasartut qassiuneri nalunaarsorneqartannginnerat Naalakkersuisut naammaginartutut nalilerpaat? Akissut tunngavilersoqquneqarpoq.
3. Ukioq kingulleq (2024) §37 nr. 163-mut Naalakkersuisut akissutaanni qarasaasiatigut (elektronisk) napparsimasunik allattuiffik 'Cosmic' nutaamik taarserneqartussaana pillugu, taartissaani oqaatsit sorliit salliuqqassanersut akisinnaangikkallaraat – massakkut Naalakkersuisut apererusunnarput:
 - a. Suliaq sumut killippa?
 - b. Napparsimasunik allattuiffik nutaaq kalaallisut oqaatsitsinnik aallaaveqassava?
 - c. Tuluttut oqaasilinniit aamma atorneqarsinnaassava?
 - d. Allattuiffik nutaaq qanoq akeqassava aammalu
 - e. Kalaallisut oqaatsit atorneqarsinnaalissappata qanoq akeqassava?

(Inatsisartunut ilaasortaq Jens NapātôK', Naleraq)

Tunngavilersuutit:



Siullertut Peqqinnissaqarfiup nalunaarsuisannginnera uissuumminalaarpoq. Nunatsinni angallassineq sutigut tamatigut kipiluttunartoq, peqqinnissaqarfimmullu aamma aningaasartuutaangaatsiartoq, nakorsianut sulisunullu nalimmassaanissamut paasissutissat nalunaarsorneqartanngitsut, taava suut tunngavigalugit aalajangiisoqartarnersoq eqqarsaammernaqaaq. Taamaammat peqqinnissaqarfiup nalunaarsuisannginnera Naalakkersuisunit naammagineqarnersoq tusarusunnarpoq. Tullertut qarsaasiatigut (eletronisk)napparsimasunik allattuiffik nutarternissaa sumut killinnersoq oqaatsillu suut sallioneqassanersut tusarusunnarpoq.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Nutserinermi paatsuungasoqassatillugu kalaallisut allassimasoq aallaavigineqassaaq.